

05.02.2014.



Nakon uspješne konferencije „Kreativne tenzije“, održane u Tuzli od 31.10. do 02.11.2013. godine u okviru projekta E761 „Susretanja“ Udruženje poslodavaca BPK Goražde će učestvovati na seminaru koji će se održati od 05.02. do 07.02.2014.godine u Užicu (Srbija) namijenjenom predstavnicima javnih vlasti - lokalnih samouprava gradova/opština: Bijeljina, Foča, Goražde, Loznica, Požega, Prijepolje, Srebrenica, Šabac, Tuzla, Užice i Valjevo.

Seminar „Susretanja“ uključuje predstavnike lokalne samouprave, različitih institucija na lokalnom nivou čiji je cilj razvoj kapaciteta za angažovanje kreativnih pojedinaca i grupa (posebno mladih).

Ovaj seminar će omogućiti sagledavanja trendova i mogućnosti za razvoj saradnje sa kreativnim sektorom grada, što doprinosi i lokalnom ekonomskom razvoju. Seminar će se baviti i korisnim tehnikama koje mogu pomoći za započinjanje procesa unapređivanja prakse na lokalnom nivou.

Često se na putu razvoja dobrih ideja nađu najrazličitiji obeshrabrujući faktori od nedostatka resursa, strukturne podrške do nerazumijevanja i loše komunikacije sa zainteresovanim stranama. U toku programa učesnici će biti upoznati sa načinima rješavanja problema na inovativan način, koje se mogu primijeniti kako na ove, tako i na različite druge problemske situacije u životu i u redovnom poslu u lokalnoj samoupravi.

Planiran je rad na slijedećim temama:

1. 1. Kako prepoznati praktične razloge za razvoj kreativnog sektora na lokalnom nivou;
1. 2. Kako se prepoznaju lokalni kapaciteti;
1. 3. Kako razmišljati u problematičnim situacijama – rješavanje problema;
1. 4. Kako se nositi sa promjenama;
1. 5. Kako vješto pregovarati sa različitim sagovornicima i zainteresovanim stranama;
1. 6. Kako se vrši uticaj;

1. 7. Kako koristiti preduzetnički pristup i u javnom sektoru

Seminar je kreiran kao niz interaktivnih radionica, u kojima se kreativno radi na konkretnim situacijama u poslu i životu.

Na seminaru će ispred Udruženja poslodavaca BPK Goražde prisustvovati sekretar Udruženja Adnan Bukva.